



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-15502-25/19 RA
Sarajevo, 13.05.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničko pitanje – zastupnik Senad Hasanović

Zastupnik u Skupštini Kantona Sarajevo, Senad Hasanović, na Sedmoj Radnoj sjednici Skupštine Kantona Sarajevo, održanoj dana 17.04.2019. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničko pitanje (zaprimljeno u Ministarstvu 23.04.2019. godine), kako slijedi:

"Da li ste upoznati sa zagađenjem Potoka Vihrica u Općini Hadžići, te da li se poduzimaju adekvatne mjere i radnje u cilju saniranja onečišćenja i sprečavanja da se ista ponove.

OBRAZLOŽENJE:

Potok Vihrica u Općini Hadžići posljednjih nekoliko dana mirisom i izgledom podsjeća na kanalizaciju. Stanovnici hadžićkih naselja Kućice i Grivići su zabrinuti za zdravlje, a prema njihovim riječima niko ništa ne poduzima da se opasnost ukloni. Iz Općine Hadžići su nakon obilaska ovog područja sugerisali stanovnicima da u momentu protoka uočene nečistoće, uzmu uzorak i dostave općinskoj inspekciji, koja će taj uzorak dalje proslijediti na analizu da bi se utvrdio uzrok onečišćenja. Na području ovih naselja je evidentiran i veoma neugodan miris iz okolnog postrojenja za proizvodnju hrane za ribe koje se nalazi u krugu Tehničkog remontnog zavoda u Hadžićima. Sama pojava ove nečistoće utiče i na floru i faunu, obzirom da je na području općine Hadžići na lokalitetu gdje se ulijeva potok Vihrica u rijeku Zujevinu evidentirano i par pomora ribe. U prilogu dostavljamo i fotografije sa pomenutih lokacija."

ODGOVOR:


U skladu sa Zakonom o vodama Kantona Sarajevo ("Službene novine Kantona Sarajevo", br. 18/10 i 43/16), Ministarstvo privrede je nadležno za oblast voda u Kantonu Sarajevo. Pomenutim Zakonom uređuju se pitanja organizacije i načina obavljanja poslova upravljanja vodama koji su federalnim Zakonom o vodama ("Službene novine Federacije BiH", broj 70/06) preneseni u nadležnost Kantona Sarajevo. Upravljanje vodama u tom smislu obuhvata korištenje voda, zaštitu



voda, uređenje vodotoka, zaštitu od štetnog djelovanja voda i organizaciju upravljanja vodama. Prema tome, predmetno pitanje je trebalo uputiti resornom Ministarstvu privrede Kantona Sarajevo.

Imajući u vidu karakter problema sa kojima se građani suočavaju, ovo Ministarstvo je Vaše pitanje prosljedilo Kantonalnoj upravi za inspeksijske poslove - Inspektoratu poljoprivredne, vodne i šumarske inspekcije. Takođe, s obzirom da je Federalno ministarstvo okoliša i turizma izdalo okolinsku dozvolu za postrojenje za proizvodnju hrane za ribe koje se nalazi u krugu Tehničkog remontnog zavoda, zahtjev za nadležno postupanje smo uputili i Federalnoj upravi za inspeksijske poslove.

S poštovanjem,



MINISTAR

Damir Filipović, MA prava

Dostaviti:

- ☉ Naslov
- Vlada Kantona Sarajevo, ovdje (na znanje)
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

